

Gvangjsih Minzcuz Bau

Guenjbanh: Gvangsih Bouxcuengh Swcigih Minzcuz Cunghgyau Swvu Veijyenzei

Okbanj: Gvangsih Minzcuz Bause

Geiz neix 8 banj

广西民族报 Aenhauh okbanj: CN45-0036 B.2022 Nd.2 Ng.23 Liggaueq nyaemzyinz nienz ndwencieng ngeihsam

Geizsoq: Gungh daih 3512 geiz

Gaiq Daihngaihseiq Aulinzbizgwz Yindungvei Seizdoeng Youq Baekging Hai Sat

第二十四届冬季奥林匹克运动会在北京圆满闭幕

Sinhvazse Baekging 2 nyied 20 hauh dienh Aen bimusiz Gaiq Daihngaihseiq Aulinzbizgwz Yindungvei Seizdoeng 20 hauh banhaemh youq Guekgya Dijyuzcangz banh. Siz Ginbingz, Lij Gwzgyangz, Liz Cansuh, Vangh Yangz, Vangz Huningz, Cau Lozci, Hanz Cwng, Vangz Gizsanh daengj bouxlingjdauj dangj caeuq guekgya, Gozci Auveijvei cujsiz Bahhwz camgya aen bimusiz.

16 ngoenz gvaqbae neix, Baekging raen le gij siengjmuengh caeuq miznaj diyyuz doxdax, gietcomz le gij cingzngaih caeuq doxgiet vunzloih sevei. Baihlaj geizhajgien, ca mbouj geijlai 3000 boux yindungyenz daj 91 aen guekgya caeuq gizdieg daeuj haenx haenqrengz buekmingh, deuqnyex gighanh, hamjgvaq bonjfaenh, cau 2 hangh seiqgyaiq geiqloeg caeuq 17 hangh dungh'auvei geiqloeg moq, guh'ok gij yiengh "engq vaiq, engq sang, engq ak——engq doxgiet". Cungguk haekfug binghraq yingyangj, vih banh gaiq dungh'auvei genjdanh, ancienz, ndeiawj ndeu ok haujlai rengz, ciengzguenj sezsih doxdax ndei dangqmaz, hong cujiz fugsah ndei dangqmaz, ndaej daengz aen gyadingz hung aulinzbizgwz caeuq gozci sevei haenhndei. Cungguk daiyaujdonz aeu ndaej 9 gim 4 ngaenz 2 doengz cau le mbat dungh'auvei ndeu ndaej soq gimbaiz caeuq soq ciengjbaiz song hangh geiqloeg, buengjbaizmingz gimbaiz vih daihsam, cau le daj 1980 nienz doxdaeuj camgya dungh'auvei aeundaej cingzcik cei ndei.

20 diemj cingq, aen bimusiz haiciengz biujyenj 《Diemjrongh》 hainduj lo. Gyoengq lwnyenz fwngz riu daeng'va naefaiq, yungh gij cienzdoengj ciet cieng cibngux diemj daeng'va, diemjrongh le cih "doeng" veiveih gwnz ciengzdieg.

Gwnz ciengzdieg okyienh le aen doz Cunggukgiet hungloet, gyoengq gizsouj fwngz gaem mbawgeiz 91 aen daiyaujdonz camgya gaiq dungh'auvei neix haeujciengz. 《Angqyangz Ciengq》 diuzgo ginghdenj yiengj hwnjdaej, yindungyenz daiyauj haeujciengz, daengx ciengz bouxyawj dopfwngz caeuq angqhemq huhu,



▲2 nyied 20 hauh, Gaiq Daihngaihseiq Aulinzbizgwz Yindungvei Seizdoeng youq Baekging hai sat. Sinhvazse gicej Lij Ho ingz

cukhoh caeuq gingqeiq gyoengq yindungyenz.

Bingzmuq boquengq benqdinj 《2022, Miz Gou》, yienh'ok yaep ndeiawj gyoengq yindungyenz haenqrengz buekmingh, cingsaenz gvaekgvaek. Riengzlaeng, fat ciengj hawj boux ndaej ciengj youq doengh vad nae mehmbwk 30 goengleix cizdij haidin (swyouz gisuz) hanghmoeg caeuq youq doengh vad nae bouxsai 50 goengleix cizdij haidin (swyouz gisuz) hanghmoeg.

Bingzmuq boquengq benqdinj Gozci Auveijvei 《Gij Rengz Saen-niemh》, langhbaij le gij cingsaenz aulinzbizgwz "engq vaiq, engq sang, engq ak——engq doxgiet".

Aen hoihhoengh yaek sat, youh daengz mwh faenbied. Vunz ciuhgeq Cungguk ciengzseiz euj nyeliux soengqbied, naeuz gij cingz ngeix-naemj. 365 boux vunz bingzciengz gak hangz gak nieb, nienzgeij mbouj

doxdoengz fwngz gaem nyeliux, comz youq cungqgyang ciengzdieg, naeuz gij ngeixnaemj daengx bi 365 ngoenz.

Mbawgeiz aulinzbizgwz hainduj doxgyau. Baekging Si sicangj Cinz Gizningz vad geizhajgien, yienzhauh gyau hawj Gozci Auveijvei cujsiz Bahhwz. Bahhwz gyau mbawgeiz hawj Yidali Mijlanz Si sicangj Salah caeuq Goh'wjadinanhbeicoj Si sicangj Gaidizna aen hawsingz cawj-banh gaiq laeng dungh'auvei.

Yienhciengz boq goguek Yidali, swng geizguk Yidali hwnjdaej. Mijlanz Si caeuq Goh'wjadinanhbeicoj Si biujyenj le 《Song Singz Doxgap · Comz Rengz Caez Rongh》 aen cezmuiz ndeiawj.

Riengzlaeng, Baekging Dungh'au Cujvej cujsiz Cai Giz gangjah naeuz, youq 16 ngoenz hawj vunz nanzlumz neix, gyoengq yindungyenz seiqgyaiq gak dieg youq gwnzciengz haenqrengz doxdax, langhbaij gij

yinxdaeuz diyyuz, lwnhgangj gij cing-saenz aulinzbizgwz "engq vaiq, engq sang, engq ak——engq doxgiet". Baekging Dungh'auvei hainduj le aen seizdaih moq loh yindung naesiet daengx seiqgyaiq, raeuz aeu geiq duenh seiz dungh'au nanzlumz neix, dazfwngz haicauh coglaeng vunzloih engqgya gyaunde.

Gozci Auveijvei cujsiz Bahhwz gangjah. De naeuz, gaiq dungh'auvei neix auyincunh daegbied gagmiz, ciengzguenj hawj vunz haenh, hong cujiz ndei dangqmaz. Dou gyo'mbaiq Baekging Dungh'au Cujvej, Cungguk cwngfuj bouhmonz nem gyoengq bouxdoih doxgap caeuq gyoengq baengzyoux youq Cungguk.

Bingzmuq boquengq benqdinj 《Caiqraen! Doxcaez Coh Coglaeng!》, youq mwh gaiq dungh'auvei neix yaek gietsat, dingh roengz gij cingzngaih beksingq Cungguk sij mbouj ndaej biekliz bouxhek seiqgyaiq gak dieg.